



Inuit timimikkut eqqarsartaatsimikkullu annertuumik in-
narluutillit pillugit kaajallaasitaq.

Inuit timimikkut eqqarsartaatsimikkullu annertuumik
innarluutillit pillugit Inatsisartut peqqussutaanni nr.
3-mi 20. oktober 1983-meersumi § 5, imm. 3, aamma § 8
malillugu makku aalajangersarneqarput:

Imai:

Kap. 1. Inuit pineqartut, § 1	qup.	3
Kap. 2. Ikiorsiissutit, § 2 - § 15	qup.	3
Kap. 3. Ulluunerani paaqqinnittarfimmu inissiineq, § 67	qup.	8
Kap. 4. Kalaallit Nunaanni ulloq un- nuarlu paaqqinnittarfimmu inissiineq, § 17 aamma § 25		
Kap. 5. Danmarkimi ulloq unnuarlu paaqqinnittarfimmu inis- siineq, § 21 - § 25	qup.	10
Kap. 6. Ingerlatsinermut oqartussaasut, § 26	qup.	13

Kap. 7. Aqutsineq, § 27 - § 31	qup.	14
Kap. 8. Maalaartarnek, § 32	qup.	16
Kap. 9. Atortuulersitsineq, § 33	qup.	16

Kapitali 1.

Inuit pineqartut.

§ 1. Inuit peqqussummi pineqartut patsisissaatitaasunik makkuninnga eqqortitsisimassapput:

Qinnuteqartoq qinnuteqarnermi nalaani 60-inik ukioqale-reersimassanngilaq aammalu timimigut eqqarsartaatsimi-gulluunniit annertuumik innarluuteqassalluni peqqussu-tip § 1-iani imm. 3-mi inaarluutinut taagukkanut assersuunneqarsinnaasumik aamma nalunaaarummi nr. 17-imi 28. dec. 1983-imeersumi imm. 2-mi taagorneqarsimasunut.

Imm. 2. Inuit 1. januar 1984 sioqqullugu malittarisasat atuuttut tunngavigalugit annertuumik innarluutilit-tut akuerineqarsimasut § 1-imi aalajangersagaq apeqqu-taatinngu, malittarisalli aalajangersakkami uaniittut tunngavigalugit, ikiorneqartussaataapput.

Imm. 3. Isumaginninnermi ataatsimiititanut ilitersuutitut ISINNAA-mit nassiuunneqartassaput inuit peqqussu-tip patsisissaatitaanik eqqortitsisimasut/eqqortitsisi-manngitsut assersuutitaanik.

Kapitali 2.

Ikiorsiiniutit.

§ 2. Innarluutilik angerlarsimaffimminiiginnartariaqar-poq, tamanna kissaatigiguniuk, aammalu innarluut taama-liornikkut ajornerulissanngippat. Taamaattumik anger-larsimaffimut ikiorsiinissamut periarfissaqarpoq. Ilaqu-tariinni paarineqarnissaq ikiorsiiniutini pitsaaner-paassangatinneqarpat taamaaliornissaq ISINNAA-mit akue-rineqareernikkut pisinnaavoq. Ikiorsiiniutit iluaquser-suutillu matuma ataani allattorsimasut periarfissanik tamakkiisunik takutitsinngillat.

§ 3. Innarluutilimmik 18-it inorlugit ukiulimmik angerlarsimaffimmiittumik paaqqutarinnittup isertitamigut annaasaasa ilaannakoraluartumik matuneqarnissaat aat-saat pisinnaavoq illoqatigiit ilaannut innarluutilimmik paaqqutarinnittumut suliffiup ilaannaanut sulisariaqarnerup suliunnaartariaqarnerulluunniit kingunerannik isertitassaraluamik annaasalimmut.

Imm. 2. Aningaasanittaag tunniussisoqarsinnaavoq innarluutip kinguneranik annertuumik aningaasartuuteqarnerunermi. Tamakku tassaasinnaapput atisanut immikkut itturnut aningaasartuutit arlaatassaanulluunniit aningaasartuutit, atisat isikkatigulluunniit atukkat nungullariartupiloornerannut kiisalu errorsinermut aammalu imminut eqqiarnermi aningaasartuuteqarnerunermut tunngasut.

Imm. 3. Aningaasanik tunniussisoqarsinnaavoq innarluutilimmik paarsineq malunnaatilimmik sulinerunermik kinguneqarsorinarpat.

§ 4. Aningaasanik tunniussinissami angissusiliiniarnermi aallaavigineqassaq ilaqutariinni paaqqinninersiutit sukkulluunniit atuuttut angissusiat, takuuk isumagininnermi aningaasat tunniunneqartartut pillugit kaajallaasitaq atuuttoq.

§ 5. Paaqqinninersiutit 18-inik ukioqalernermit taamaatinneqassapput. 18-inik ukioqalerneq qaangerlugu ilaqutariinni angerlarsimaffiup avataani paarsisitsinia-raanni suliassaq ISINNAA-mut saqqummiunneqassaaq.

§ 6. Iluaqtsersuutiniq ikiorneqarneq. Inuup innarluutaa ikiorserniarlugu imaluunniit innarluutip kinguneri-sai annertuumik sakkukillisarniarlugit iluaqtsersuutiniq qanorluunniit ittunik ulluinnarni inuunermik oqilisisisinnaasorisanik ikiorsiisoqarsinnaavoq.

Imm. 2. Assersuutit makku taaneqarsinnaaput: Illulerinermi ulluinnarni iluaqtsersuutit, atisalersornermi atisaajarnermilu iluaqtsersuutit imaluunniit imminut eqqiarnermi iluaqtsersuutit, iluaqtsersuutilluunniit allat innarluutilimmik nammineernerusungortitsisinnaasut.

Imm. 3. Qamutit, qamutaasat assigisaalluunniit iluaqtsersuutitut tunniunneqarsinnaaput, imaluunniit innarluutillit qamutaat nalinginnaasut immikkulluunniit naleqquttunngorsakkat kiisalu siniffiit pequtillu naleqquttunngorsakkat.

Imm. 4. Qamutiniq motorilinnik pisaarnissamut ilitser-suut kingusinnerusukkut nassiunneqarumaarpoq.

§ 7. Iluaqtsersuutit timip ilaanik amigaataasunik taarsiisut, qerattaqqusiisut iluarsisulluunniit napparsimaveqarfimmit tunniunneqartarput, taamaattumillu kaajallaasitap matuma aalajangersaqartaanut ilaatinneqaratik.

Imm. 2. Iluaqtsersuutit meeqqat innarluutillit atuariartortarnerannut pisariaqartinneqarsinnaasut kommuni-ni kultuureqarnikkut atuartitaanermilu ataatsimiititanit ikiorsiissutigineqassaput.

Imm. 3. Tutsarluttunut tusartaatit qitiusumik Odensemi

napparsimavimmit pissarsiarinerannut atugaanerannilu aningaasartuutit tamakkiisumik matuneqassapput. Tamatumasaniatigut tutsarluttunut fjernesyn-imut, video-mut, kalerrisaarummut il.il. ikiorsiisoqarsinnaavoq.

Imm. 4. Tappiitsunut isigiarsuttunulu radio-t, bånd-it tusarnaarutit, allisitsiutit, skrivemaskinat, ajaappisat il.il. ikiorsiissutaassapput. Bånd-it atuffassissutitik immikkat Kalaallit Nunaata Atuagaateqarfianit tunniunneqartarput.

Imm.5. Iluaqtsersuutit aamma Kalaallit Nunaanni sulisilluni ajoqusersinnaanermut sillimmasiisarneq pillugu peqqussummi § 31 tunngavigalugu tunniunneqarsinnaapput.

§ 8. Najukkamik naleqquttunngorssaaneq. Innarluutillip ulluinnarni inuuneranik oqalisaassisinnaasorineqarpat najukkap allanngortiternissaanut naleqquttunngorsarnissaanulluunniit ikiorsiisoqarsinnaavoq.

Imm. 2. Allanngortiternissamut assersuutigineqarsinnaavoq igaffiup inersuulluunniit allanngortiternissaat, naleqquttunngorsaansamullu perusuersartarfimmi immikkut atortulersuutit, qamutinut assakaasulinnut ingerlaffissiat il.il..

§ 9. Angerlarsimaffimmi ikiorteqartitsineq. Angerlarsimaffimmi ikiortiliisoqarsinnaavoq malittarisassat tamatumunnga atuuttut najoqqutaralugit.

§ 10. Angajoqqaanut allanulluunniit angerlarsimaffimmi innarluutilinnik paarsalinnut oqalisaassisoqarsinnaavoq.

Imm. 2. Oqilisaassilluni angerlarsimaffimmut piukkunartumut allamut paaqqinnittarfimmulluunniit nuutitsigallartoqarsinnaavoq.

§ 11. Inummik ikiorteqartitsineq. Innarluutilik immikkut ikiorneqarnissamik sungiusartinneqarnissamillu pisariaqartitsippat sapaatip akunneranut nal. akunnerini aalajangersimasuni inummik ikiorteqarnissamut atorfinitsitsinermi aningaasartuutinut ikiorsiisoqarsinnaavoq, tak. nalunaarut nr. 63.

§ 12. Misissorneqarneq sungiusarneqarnerlu. Paaqqinnittarfinni, amerlanertigut Danmarkimi, immikkut sungiusarsimasunik sulisulinni sivikitsumik ingerlanneqarsinnaavoq ISINNAA-mit akuersissutigineqarsimappat tassanngalu aaqqissuunneqarluni.

§ 13. Siunnersuisunik ikiorteqarneq. ISINNAA-p isummerfigissavaa aaqqissuullugulu, oqartussaasoqarfiilluunniit allat suleqatigalugit, siunnersuisumik suliamut paasisimannilluartumik tikeraartoqarsinnaaneq innarluutilinnik ulluinnarnilu taakkununga sulissussisunik ikiortigineqarsinnaasunik aammalu kommunimi isumaginninnermi ataatsimiititanit qanoq iliuusissanut siunnersuisinnaasunik.

§ 14. Siunnersortimik tikeraartoqarnerup imaluunniit sivikinnerusumik sivisunerusumilluunniit paaqqinnittarfimmiititsinerup kingorna ikiorneqarneq sivitsorneqarsinnaavoq immikkut ilisimasalinnit ungasissumit siunnersorneqarnikkut tamanna ISINNAA-mit akuerineqareerpat.

§ 15. Akissarsianut tapiissuteqartarneq piffissami aalajangersimasumi akuersissutigineqarsinnaavoq. Akissarsianut tapiuteqartarneq taamaallaat pisinnaavoq innarluutilimmik sulinermut misiliisitsinerup imaluunniit sulinermut pisinnaangortitseqqinniarnep nalaani.

Kapitali 3.

Ulluunerani paaqqinnittarfimmud inissiineq.

§ 16. Meeqqat innarluutillit ulluunerani paaqqinnittarfimmud inissinneqarsinnaappud taamaaliorneq meeqqamud pitsaanerusussamik angusaqarnissamud tulluurtuuppat, kiisalu paaqqinnittarfiup ilusilerneqarnera, pisatser-sornera meeqqallu inissineqarsimasud katitigaanerat taamaalior-nissamud periarfissiippata.

Imm. 2. Ulluunerani paaqqinnittarfimmud ataatsimud meeqqat innarluutillit arlallit ataatsikkud inissinniarneqartillugit eqqumaffiginiarneqartassaaq paaqqinnittaafiup inissiivigineqartup inisseereernerup kingorna meeqqanud ulluunerani paaqqinnittarfittud nalinginnaasutud ingerlaannarnissaa.

Imm. 3. Naleqquttuusorinarpat meeraq innarluutilik aalajangersimasunik ukioqalerner-migud paaqqinnittarfimmiit aniffissaraluanu qaangerlugu tassaniissinnaavoq taamaalior-nissaaq paaqqinnittarfiup meeraataanud allanud akornutaassangippat.

Imm. 4. Meeqqap innarluutillip paaqqinnittarfimmud inissinneqarnerani tassaniiginnarnissaaluunniit anguniarlugu immikkud ittunik iliuuseqartoqartariaqartillugud aningaasartuutinud tapiissuteqartoqarsinnaavoq.

Soorlu imaattunik:

Inummik ikiortimik atorfinitsitsinikkut.
Paaqqinnittarfiup naleqqussagaanissaanut.
Sammisassanik immikkut ittunik pisinermut.

Imm. 5. Ulluunerani paaqqinnittarfimmiititsinermut akiliutit pillugit tassunga immikkut kaajallaasitaq takkoqquneqarpoq (Meeqqat kommune-p ullukkuinnaq paaqqinnittarfiutaaniittarneranni kommune-millu ingerlanneqartumik angerlarsimaffimmi paarsisartuniittarneranni aki-liutit pillugit kaajallaasitaq nr. 130).

Kapitali 4.

Kalaallit Nunaanni ulloq unnuarlu paaqqinnittarfinnut inissiineq.

§ 17. Inuit innarluutillit ulloq unnuarlu paaqqinnittarfinnut inissinneqarsinnaapput taamaaliorneq innarluutilimmut pitsaanerusussamik angusaqarnissamut tuluartuuppat, kiisalu paaqqinnittarfiup ilusilerneqarnera, pisatsersorneqarnera, sulisoqarnera inuillu inissinneqartut katitigaanerat taamaaliornissamut periarfissiippata.

Imm. 2. Isumaginninnermi ataatsimiititaliap inassuteqarnera paaqqinnittarfiullu oqaaseqaatai naapertorlugit ISINNAA aalajangiissaaq innarluutillit ulloq unnuarlu paaqqinnittarfimmut inissinneqassanersut.

Imm. 3. Innarluutillip paaqqinnittarfimmut inissinneqarnerani tassaniiginnarnissaaluunniit anguniarlugu immikkut ittunik iliuuseqartoqartariaqartillugu aningaa-sartuutinut tapiissuteqartoqarsinnaavoq.

Soorlu imaattunut:

Inummik ikiortimik atorfinitsitsinermut.

Paaqqinnittarfiup naleqqussagaanissaanut.
Sammisassanik immikkut ittunik pisinermut.

Imm. 4. Iliuusissat immikkut ittut pisariaqartinneqar-
pata suliaasaq ISINNAA-mut aalajangiiffigisassanngor-
tinneqartassaaq.

§ 18. Innarluutillip ulloq unnuarlu paaqqinnittarfim-
miinneranut akiliussisoqarsinnaavoq piaarnerpaamilli
ulloq qinnuteqarfik aallarnerfigalugu.

§ 19. Namminersornerullutik Oqartussat ulloq unnuarlu
paaqqinnittarfiutaaniinnissamut akiliukkumaneqarsimasut
ukiumut ataasiarlugit akeqanngitsumik najukkaminnut
feriartitaasassapput. Paaqqinnittarfiup naliliinera
naapertorlugu angallassisussamut akiliussisoqarsinnaa-
voq.

Imm. 2. Innarluutillip najukkaminut angalanissaa taper-
sersornanngippat tassunga taarsiullugu angajoqqaarisap
aappaanut qanigisamulluunniit allamut akiliullugu tike-
raartitsineqarsinnaavoq.

§ 20. Immikkut ittumik paaqqutarineqarnissaq nakkutigi-
neqarnissarlu isumaginninnermi ulloq unnuarlu paaqqin-
nittarfinni pissusissamisoortumik naammassisinnaasori-
neqanngikkaangata napparsimmaviitnakkutigisarialinnut
immikkoortortaannut inissinneqarsinnaapput, naak ataa-
vartumik nakorsamit nakkutigineqarnissaq pisariaqartin-
neqanngikkaluarpalluunniit.

Kapitali 5.

Danmarkimi ulloq unnuarlu paaqqinnittarfimmu
inissiineq.

§ 21. Aatsaat Kalaallit Nunaanni periarfissat allat tamarmik atorniarneqareersimagaangata, aammalu innarluutilimmu nammineruut pitsaanerusussamik kinguneqas-sangatinneqaraangat Danmarkimut aallartitsinissaq eqqarsaatigineqalertassaaq.

Innarluutilimmik Danmarkimi paaqqinnittarfimmu inissiinissaq ISINNAA-mit aalajangiiffigineqartassaaq, tamannalu pisassalluni suliaassap qitiusumik attaveqaatitut suleqatigiiffimmi (den centrale kontaktgruppe) oqallisigineqareerneratigut. Danmarkimi paaqqinnittarfimmu innarluutilimmik inissiineq innarluutilimmu nammineruut ilaqutaasunullu annertoorujussuarmik suniuteqarsinnaammat taamaaliunnginnermi tapersiiniutaa-sinnaasut allat sukumiilluinnartumik misissuiffigineqartariaqarput.

Imm. 2. Innarluutilik 18-it inorlugit ukioqarpat imaluunniit nammineersinnaassusiiagaasimappat taassuma angajoqqaavi taakkunatuunniit akisussassusiligaasimasut akuersiseqqaarsimasariaqarput. Akuersisimaneq taamaattoq pissarsiarineqarsimatinnagu, inissinniagarlu 18-it inorlugit ukioqarpat meeqqanik inuusuttunillu ikiorsiisarnermi peqqussummi kapitali 4-mi aalajangersakkat atorineqarsinnaapput. Nammineersinnaassusiiagaasimasut pineqartillugit namminersorsinnaanermik inatsimmi aalajangersakkat atorineqassapput.

§ 22. ISINNAA innarluutilinnik Danmarkimi inissiinissamik aalajangiigaangat Namminersornerulutik Oqartussat Danmarkimi allaffeqarfianni isumaginninnermi immikkoor-

tortaqarfiup ISINNAA-p ataani immikkoortortaqarfiusup suliassami paasissutissat nassiunneqartut tunngavigalugit amtskommuni paaqqinnittarfimmik ingerlatsisusooq kommuniluunniit angajoqqaarsiassat najugarisaat isumaqatiginiartassavai.

Imm. 2. Innarluutilik Danmarkimi inissinneqariarpat isumaginninnermi immikkoortortaqarfiup inissiiffimmi pissutsit atugai malittarissavai pineqartup sullinneqarneranut atatillugu ataatsimiittarnerni ilaasarnermigut. Aammalu isumaginninnermi immikkoortortaqarfiup isumagissavaa inissinneqartup kommuniani isumaginninnermi ataatsimiititamut ISINNAA-mullu attaveqarnissaq.

§ 23. Inissinneqarfiup allannngortinneqarnissaa pisari-aqarpat tamanna amtskommunip isumaginninnermilu immikkoortortaqarfiup isumaqatigiinnerisigut pisassaaq, tamanna inissinneqartup kommuniani isumaginninnermi ataatsimiititamut ISINNAA-millu akuerineqareerpat.

Imm. 2. Inissinneqarfik allannngortinneqartinnagu angajoqqaat taamatulluunniit akisussaaffilerneqarsimasut akuersisinneqareersimassapput § 21, imm. 2-mi taaneqarsimasut tunngavigalugit.

§ 24. Innarluutilimmik angerlartitsinissamut periarfissaqalerpat isumaginninnermi immikkoortortaqarfiup ISINNAA innarluutilillu kommuniani isumaginninnermi ataatsimiititaliaq saaffigissavaa siunnersuuteqarfigalugillu angerlartitsinissap qanoq ilusilerneqarnissaanik.

Imm. 2. Angerlartitsinissamik aalajangiineq ISINNAA-mi pissaaq qitiusumik attaveqaatitut suleqatigiittarfimmi oqallisigineqareerneratigut, kiisalu innarluutilip

kommuniani isumaginninnermi ataatsimiititaliap Namminersornerullutillu Oqartussat Danmarkimi allaffianni isumaginninnermi immikkoortortaqarfik suleqatigalugit.

§ 25. Danmarkimi paaqqinnittarfimmiititanermi aningaa - sartuutit Kalaallit Nunaanni Inatsisartunit akilerneqartassapput.

Imm. 2. Feriarnermut akiliunneqarlunilu angalanermut aalajangersakkat immikkut kaajallaasitartaqarmata taakku takoqquneqarput.

(Inuit timimikkut eqqarsartaatsimikkulluunniit annertuumik innarluuteqartut isumagineqarnerat pillugu inatsisartut peqqussutaat naapertorlugu Danmark-imiittut, taakku ilaqutaasa kiisalu utoqqaat innarluutillit ilaasa akiliunneqarlutik angalasarnerat pillugu kaajallaasitaq).

Imm. 3. Kalaallit Nunaanneersunik isumaginninnermi oqartussat aqqutigalugit inissiiniartarneq, aningaasalersuineq angalatitsisarnerlu pillugit takoqquneqarpoq Socialstyrelsip kaajallaasitaa nr. 6, 6.5.1983-meersoq, SD-llu nalunaarutaat nr. 67-itut nassiussorneqarsimasoq.

Kapitali 6.

Ingerlatsinermit oqartussaasut.

§ 26. Kommunimi isumaginninnermi ataatsimiititaliat isumagissavaat

a) paasissutissat pisariaqartut inuullu timimigut eqqarsartaatsimigulluunniit annertuumik innarluuteqarneranut naliliiniarnermi atorneqartussat pissarsiariniasallugit,

- b) inuit peqqussutip atani ikiorserneqartussat pillugit paasiniaanermi ikiutissalluni ikiorsiiniutit suut ingerlanneqartariaqarnersut,
- c) suliniutit akuersissutaareersut aallartissallugit,
- d) akisussaaffigissallugu innarluutillit kommunimi najugaqartut nakkutiginnissaat taamaaliornermigut suliniutaasut ingerlareersut allanngotinneqarnissaannut siunnersuuteqassalluni imaluunniit suliniutit ingerlareersut unitsinneqarnissaannik siunnersuuteqassalluni,
- e) isumagissallugu suliniutaareersut saniatigut aalajangersakkat allat aqutigalugit suliniuteqassalluni.

Imm. 2. ISINNAA-p isumagissavai

- a) aalajangiiffigissallugu inuk peqqussummi aalajangersakkat malillugit innarluutilittut isigineqarsinnaanersoq
- b) ikiorsiiniutaasinnaasut suussusissaat annertussusissaallu aalajangiiffigissallugit, taakku aningaasartaat Kalaallit Nunaanni Inatsisartunit matuneqassatillugit,
- c) peqqussut malillugu periarfissanik assigiinngitsunik siunnersuisuussalluni,
- d) immikkut ilisimasalittut innarluutilimmut kommunimilu isumaginninnermi ataatsimiititamut ikiortaassalluni.

Kapitali 7.

Aqutsineq.

§ 27. Inuup peqqussut malillugu innarluutilittut isigineqarsinnaaneranut apeqqutit ISINNAA-mut saqqummiunneqartassapput kommunimi isumaginninnermi ataatsimiititaliamit innersuutitalerlugit. Takku tunngavigalugit ISINNAA-p aalajangissavaa pineqartoq peqqussut malillugu innarluutilittut isigineqarsinnaanersoq.

Imm. 2. Saaffiginnissut ISINNAA-mut toqqaannartumik

kommunimi isumaginninnermut ataatsimiititaaq avaqqullugu ingerlatinneqarsimappat ISINNAA-p isumaginninnermi ataatsimiititaaq paasissutissanik pisariaqartunik qinnuigissavaa § 26 naapertorlugu.

§ 28. ISINNAA-mut innersuutip ingerlatinneqannginnerani kommunimi oqartussaasoqarfiit assigiinngitsunik suliallit suleqatigiiffianni suliassaq oqallisigineqareersimassaaq. Suleqatigiiffik taanna pilersinneqartussaavoq oqartussaasoqarfiit assigiinngitsunik suliallit isumaginninnermi suliassaat pillugit suleqatigiinnissaannut inatsisartut peqqussutaat naapertorlugu.

Imm. 2. Erseqqissarneqassaaq innarluutilik nammineq, ilaqutai sinniisuutitaasorluunniit pisinnaasaq tamaat suliassaq pillugu isumasiorneqartassammata.

§ 29. Pineqartoq peqqussut malillugu innarluutilittut isigineqarsinnaasoq aalajangerneqarpat ikiorsiiniutisatut siunnersuutit ISINNAA-mut qinnuteqaatitut saqqummiunneqassapput tassenilu aalajangiiffigineqassallutik.

Imm 2. Ikiorsiiniutinik ingerlareersunik allanngortit-siniarnerit imaluunniit unitsitsiniarnerit ISINNAA-mi aalajangiiffigineqannginnerani kommunemi oqartussaasoqarfiit assigiinngitsut suleqatigiiffianni oqaluusereqqaqquneqarsinnaapput.

§ 30. Kaajallaasitaaq manna malillugu ikiorsiiniutinut aningaasartuutit akilerneqarsinnaanngillat ISINNAA akuersereersimatinnagu.

§ 31. ISINNAA-p akuersissutitut allagaqaataani takuneqarsinnaassaaq piffissami qanoq sivilutigisumi ikior-siiniutitut aningaasartuutissat Kalaallit Nunaanni Inatsisartunit akilerneqartassanersut.

Kapitali 8.

Maalaaruteqartarnek.

§ 32. ISINNAA-p aalajangiineri inatsisartut peqqussutaat nr. 8, 10.10.1979-imeersoq isumaginninnermi tungasut siulersorneqarnerat aqqissuunnerallu pillugit peqqussutaasoq naapertorlugu Isumaginninnermi Maalaaruteqartarnermut Ataatsimiititaliamut suliassanngorteqqinneqarsinnaapput.

Kapitali 9.


Atortuulersitsineq.

§ 33. Kaajallaasitaq manna atulerpoq 1. januar 1985 aallarnerfigalugu.

Imm. 2. Tamatumunnga peqatigitillugu kaajallaasitaq nr. 136, inunnut timimikkut eqqarsartaatsimikkullu anner-tuumik innarluutillit pillugit kaajallaasitaq atorunnaarsinneqarpoq.

Isumaginninnermi Inissaqarnermullu Naalakkersuisoqarfik, ulloq 20. december 1984.


Aqqaluk Lyngé


Jørgen Munk